

U 8664 DEB
MAHATHIR - BN R R R

KUANTAN, 6 SEPT (BERNAMA) -- DATUK SERI DR MAHATHIR MOHAMAD MENGADAKAN PERJUMPAAN TERTUTUP DENGAN PEMIMPIN BARISAN NASIONAL PAHANG DI SEBUAH HOTEL TERKEMUKA DI SINI PETANG INI.

PERJUMPAAN LEBIH SATU JAM ITU ADALAH SEMPENA LAWATAN RASMI PERDANA MENTERI KE PAHANG.

SUMBER-SUMBER BARISAN NASIONAL BERKATA ANTARA YANG DIBINCANGKAN IALAH KEJADIAN MEMBAKAR MASJID PADA MINGGU LALU DI PEKAN DAN TEMERLOH DAN KEADAAN POLITIK DAN EKONOMI SEMASA.

MENURUT SUMBER-SUMBER ITU, PERDANA MENTERI MEMANDANG BERAT KEJADIAN MEMBAKAR LIMA BUAH MASJID ITU DAN MENEGASKAN PIHAK BERKUASA AKAN BERUSAHA MENGESAN DAN MENGHUKUM MEREKA YANG TERBABIT.

DATUK SERI DR MAHATHIR JUGA MENASIHATI ANGGOTA KOMPONEN BARISAN NASIONAL SUPAYA MENGATASI ISU-ISU BERBANGKIT MELALUI PERUNDINGAN DAN TIDAK MENGGUNAKAN MEDIA MASSA UNTUK MELUAHKAN PERASAAN MEREKA. -- LAGI.

1821MST 06 09 87

U 8670 DEB
MAHATHIR - BN 2 KUANTAN (PEMBETULAN - PARA SATU)

YANG TURUT HADIR IALAH MENTERI BESAR DATUK KHALIL YAAKOB, MENTERI PERTANIAN MERANGKAP SETIAUSAHA AGUNG UMNO, DATUK SERI SANUSI JUNID MENTERI PELANCONGAN DAN KEBUDAYAAN DATUK SABBARUDDIN CHIK DAN MENTERI BELIA DAN SUKAN DATUK SERI NAJIB TUN RAZAK.

WAKIL DARIPADA PARTI KOMPONEN BARISAN NASIONAL PAHANG TERMASUK PENERUSI MIC NEGERI ENCIK V.V. ABOO, TIMBALAN PENERUSI MCA NEGERI DATUK LIM AH LEK DAN PENERUSI GERAKAN NEGERI ENCIK TAN AH BEN JUGA HADIR.

MALAM INI, PERDANA MENTERI DIJADUAL DIRAIKAN DALAM MAJLIS MAKAN MALAM DI KEDIAMAN MENTERI BESAR DI SINI. -- BERNAMA.

1840MST 06 09 87